

# Lingua hindi

Na Galipedia, a Wikipedia en galego.

O **hindi**<sup>[1]</sup> (हिन्दी) é un idioma falado en moitos estados do Norte e do Centro da India. É unha lingua indoeuropea, da familia Indoirania. Evoluíu a partir dos idiomas prákritos da Idade Media (indoario medio) e, indirectamente, do sánscrito, do cal toma grande parte do vocabulario técnico, relixioso e xurídico. A consecuencia da influencia musulmá no Norte da India, contén tamén un elevado número de empréstamos do persa, do árabe e do turco.

## Índice

### Características

### Fonoloxía e escrita

### Breve resumo de Sintaxe

Empréstamos do hindi en galego

### Notas

### Véxase tamén

Outros artigos

## Características

O hindi é o cuarto idioma máis falado no mundo, despois do inglés. Preto de 500 millóns de persoas falan hindi como primeira lingua e o número total de persoas que o entenden pode superar os 800 millóns.

Por razóns de rivalidade político-relixiosa entre a India e Paquistán, vense considerando como un idioma diferente do urdú (que é o idioma oficial de Paquistán). Mais na súa forma coloquial ambos os dous son mutuamente intelixíbeis, sendo desde un punto de vista lingüístico variedades dun mesmo idioma. As súas diferenzas redúcense basicamente ao sistema de escrita, que no caso do hindi usa o alfabeto devanágari, mentres o urdú emprega o alfabeto árabe. Ambos e dous idiomas tamén se diferencian na súa terminoloxía culta, que no hindi se colle xeralmente do sánscrito (xa que os indios que o falan son na súa maioría hindús), mentres que en urdú os cultismos son principalmente de orixe persa-árabe (pois a

## Hindi

हिन्दी

Falado en:	<u>India</u>
Rexións:	<u>Sueste asiático</u>
Total de falantes:	480 millóns nativos, 800 millóns ao todo
Posición:	4
Familia:	<u>Indoeuropea</u> <u>Indoirania</u> <u>Indoaria</u> <b>Hindi</b> <b>Estatuto oficial</b>
Lingua oficial de:	<u>India</u>
Regulado por:	Central Hindi Directorate [1] ( <a href="http://hindinideshalaya.nic.in/hindi/indexhindi.html">http://hindinideshalaya.nic.in/hindi/indexhindi.html</a> )
<b>Códigos de lingua</b>	
<u>ISO 639-1</u> :	hi
<u>ISO 639-2</u> :	hin
<u>SIL</u> :	HIN

maior parte dos usuarios son musulmáns).

Antes da partición da India, entre a India e Paquistán, en 1948, o hindi e o urdú falados eran considerados o mesmo idioma, ou hindustano. Desde a partición, o "hindi padrón" desenvolveuse substituindo as palabras de orixe árabe e persa por vocábulos do sánscrito.

O hindi e o urdú teñen na actualidade catro formas literarias: hindi-padrón, urdú, dakkhini, e rehkta. O dakkhini é un dialecto do urdú na rexión de Deccan, na parte surcentral da India, especialmente en Hyderabad, que utiliza menos empréstitos persas e árabes. O rehkta é unha forma do urdú que se utiliza principalmente para poesía.



## Fonoloxía e escrita

A escrita devanágari, de tipo semi-silábico, está constituída de signos consonánticos que comportan unha vogal por defecto, susceptible de ser modificada ou suprimida por signos anexos.

Consoantes		oclusiva xorda	oclusiva xorda aspirada	oclusiva sonora	oclusiva sonora aspirada	nasal	semivogal	fricativa	aspirada
velar	deva.	क	ख	ग	घ	ङ			ह
	trans.	k	kh	g	gh	ṅ			h
	AFI	/k/	/kʰ/	/g/	/gʰ/	/ŋ/			/h/, /ɦ/
palatal	deva.	च	छ	ज	झ	ञ	य	श	
	trans.	c	ch	j	jh	ñ	y	ś	
	AFI	/tʃ/	/tʃʰ/	/dʒ/	/dʒʰ/	/ɲ/	/j/	/ʃ/, /ʂ/	
retroflexa	deva.	ट	ठ	ड	ढ	ण	र	ष	
	trans.	ṭ	ṭh	ḍ	ḍh	ṇ	r	ṣ	
	AFI	/ʈ/	/ʈʰ/	/ɖ/	/ɖʰ/	/ɳ/	/r/	/ʃ/, /ʂ/	
dental	deva.	त	थ	द	ध	न	ल	स	
	trans.	t	th	d	dh	n	l	s	
	AFI	/t̪/	/t̪ʰ/	/d̪/	/d̪ʰ/	/n̪/	/l̪/	/s̪/	
labial	deva.	प	फ	ब	भ	म	व		
	trans.	p	ph	b	bh	m	v		
	AFI	/p/	/pʰ/	/b/	/bʰ/	/m/	/ʋ/		
Vogais		gutural		palatal	labial	dental	palatogutural	labiogutural	
curta	independente	अ		इ	उ	ऋ	ए	ओ	
	diacrítico	inherente		ि	ु	ृ	े	ो	
	trans.	a		i	u	ɪ	e	o	
		AFI				/r/	/e/	/o/	

		/ə/	/ɪ/	/ʊ/		
	independente	आ	ई	ऊ	ऐ	औ
	diacrítico	ा	ी	ू	ै	ौ
longa	trans.	ā	ī	ū	ai	au
	AFI	/a/	/i/	/u/	/ɛ/ o /æ/	/əʊ/

## Breve resumo de Sintaxe

A orde normal de palabras nunha frase é SOV (Suxeito-Obxecto-Verbo). Mais se as posposicións van unidas con nomes, a orde en Hindi-Urdú tórnase máis libre que en inglés, pero non tanto como en latín ou sánscrito. A alteración da orde das palabras serve (xunto con o ton da fala) tamén para mudar a énfase da frase. Se o suxeito é un nome, o adxectivo pode ir antes do mesmo (na posición atributiva) ou entre o nome e o verbo (na posición predicativa, mais só se o verbo é होना /hoː.naː/ *ser*). Se o suxeito é un pronome o adxectivo vai en posición predicativa. O lugar entre o suxeito e o verbo pode ir ocupado por adverbios, frases instrumentais, frases en dativo, frases en locativo etc. A orde das palabras - ao contrario que en inglés ou francés - non precisa ser reinvertido nas oracións interrogativas. As preguntas poden formularse colocando o pronome interrogativo क्या /kjaː/ no inicio mesmo da frase. As oracións interrogativas máis formais poden realizarse colocando a partícula negativa न /nə/ ao final da frase. Isto indica unha pregunta educada (sen necesidade de usar "por favor"). Porén a partícula negativa vai diante do verbo. Certas partículas resaltan a palabra que as segue inmediatamente, p.ex., ही /hiː/ (*só, soamente*, como partícula enfática), भी /bʰiː/ (*tamén*), तक /tək/, तो /tʰoː/, भर /bʰər/ etc. As cláusulas nominais están a miúdo unidas pola conxunción कि /ki/ (lit., *que*, de orixe persa).

As oracións compostas (aquelas con dous ou máis cláusulas simples de importancia similar) están, polo corrente, unidas por conxuncións como और /ɔːr/ — *e*, या /jaː/ — *ou*, लेकिन /leː.kin/ — *mais, pero*, इसलिये /is.li.jeː/ — *por iso*, वरना /vər.naː/ — *doutro xeito, outramente* etc. As veces son utilizadas conxuncións dobres se son precisas, p.ex.: न ... न /nə/ ... /nə/ — *nen ... nen*.

## Empréstanos do hindi en galego

Hai no galego algunhas palabras hindis, así «bengala», «bungalow», «xungla», «ponche», «pixama», «xampú»,... Na súa maioría entraron no galego modernamente por intermediación do inglés, portugués ou castelán.

## Notas

1. "Entrada hindi en Digalego". Arquivado dende o orixinal o 07 de abril de 2017. Consultado o 07 de abril de 2017.

## Véxase tamén

### Outros artigos

- Aaj Tak, canle de noticias en **hindi**.



Existe unha versión da Wikipedia en ***Lingua hindi***

---

**A última edición desta páxina foi o 6 de novembro de 2019 ás 17:29.**

Todo o texto está dispoñible baixo a [licenza Creative Commons recoñecemento compartir igual 3.0](#); pódense aplicar termos adicionais. Consulte os [termos de uso](#) para obter máis información.

Wikipedia® é unha marca rexistrada da [Wikimedia Foundation, Inc.](#), unha organización sen fins lucrativos.